

**REGLUGERÐ FRAMKVÆMDASTJÓRNARINNAR (ESB) 2018/97****2018/EES/33/43**

frá 22. janúar 2018

**um breytingu á II. viðauka við reglugerð Evrópuþingsins og ráðsins (EB) nr. 1333/2008 að því er varðar notkun sætuefna í fint kaffibrauð (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1333/2008 frá 16. desember 2008 um aukefni í matvælum <sup>(1)</sup>, einkum 3. mgr. 10. gr.,með hliðsjón af reglugerð Evrópuþingsins og ráðsins (EB) nr. 1331/2008 frá 16. desember 2008 um sameiginlega málsmeðferð við leyfisveitingu fyrir aukefni í matvælum, ensím í matvælum og bragðefni í matvælum <sup>(2)</sup>, einkum 5. mgr. 7. gr.,*og að teknu tilliti til eftirfarandi:*

- 1) Í II. viðauka við reglugerð (EB) nr. 1333/2008 er sett fram skrá Evrópusambandsins yfir matvælaaukefni sem samþykkt hafa verið til notkunar í matvæli og skilyrði fyrir notkun þeirra.
- 2) Þessa skrá má uppfæra í samræmi við sameiginlegu málsmeðferðina sem um getur í 1. mgr. 3. gr. reglugerðar (EB) nr. 1331/2008, annaðhvort að frumkvæði framkvæmdastjórnarinnar eða í kjölfar umsóknar.
- 3) Framkvæmdastjórnin komst að þeirri niðurstöðu, á grundvelli upplýsinga sem aðildarríkin lögðu fram, að breyta ætti II. viðauka við reglugerð (EB) nr. 1333/2008 að því er varðar notkun á E 950 asesúlfami K, E 951 aspartami, E 952 sýklamínsýru og natríum- og kalsíumsöltum hennar, E 954 sakkaríni og natríum-, kalíum- og kalsíumsöltum þess, E 955 súkralósa, E 959 neóhesperidíni DC, E 961 neótami, E 962 aspartam- og asesúlfamsöltum og E 969 advantami í „fint kaffibrauð sem er notað í sérstökum, næringarfræðilegum tilgangi“.
- 4) Notkun á sætuefnum í „fint kaffibrauð sem er notað í sérstökum, næringarfræðilegum tilgangi“ var leyfð með tilskipun Evrópuþingsins og ráðsins 94/35/EB <sup>(3)</sup>. Matvælin „fint kaffibrauð sem er notað í sérstökum, næringarfræðilegum tilgangi“ ná yfir „matvæli fyrir þá sem eru með röskun á kolvetnaefnaskiptum (sykursýki)“ sem reglur voru settar um með tilskipun ráðsins 89/398/EBE <sup>(4)</sup>. Í þeirri tilskipun var fastsett sameiginleg skilgreining fyrir „matvæli til sérstakra, næringarlegra nota“ og kveðið á um að hægt væri að samþykkja sértæk ákvæði að því er varðar „matvæli fyrir þá sem eru með röskun á kolvetnaefnaskiptum (sykursýki)“, matvælaflokk sem fellur undir skilgreininguna á matvælum til sérstakra, næringarlegra nota.
- 5) Þó var vísindalegur grunnur fyrir því að setja sértækar kröfur varðandi samsetningu slíkra matvæla ekki til staðar, eins og komist var að raun um í skýrslu framkvæmdastjórnarinnar <sup>(5)</sup> um matvæli fyrir þá sem eru með sykursýki. Enn fremur var hugtakið „matvæli til sérstakra, næringarlegra nota“, þ.m.t. „matvæli fyrir þá sem eru með röskun á kolvetnaefnaskiptum (sykursýki)“, afnumið með reglugerð Evrópuþingsins og ráðsins (ESB) nr. 609/2013 <sup>(6)</sup>.
- 6) Þess vegna er leyfi fyrir þessum sætuefnum í „fint kaffibrauð sem er notað í sérstökum, næringarfræðilegum tilgangi“, í samræmi við c-lið 7. gr. reglugerðar (EB) nr. 1333/2008, ekki lengur réttlætjanlegt og ekki ætti að halda áfram að setja þessar vörur á markað.

(\*) Þessi ESB-gerð birtist í Stjttíð. ESB L 17, 23.1.2018, bls. 11. Hennar var getið í ákvörðun sameiginlegu EES-nefndarinnar nr. 85/2018 frá 27. apríl 2018 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjttíð. ESB L 354, 31.12.2008, bls. 16.

(2) Stjttíð. ESB L 354, 31.12.2008, bls. 1.

(3) Tilskipun Evrópuþingsins og ráðsins 94/35/EB frá 30. júní 1994 um sætuefni til notkunar í matvælum (Stjttíð. EB L 237, 10.9.1994, bls. 3).

(4) Tilskipun ráðsins 89/398/EBE frá 3. maí 1989 um samræmingu laga aðildarríkjanna um sérfaði (Stjttíð. EB L 186, 30.6.1989, bls. 27).

(5) „Report from the Commission to the European Parliament and the Council on foods for persons suffering from carbohydrate metabolism disorders (diabetes)“ (Skýrsla frá framkvæmdastjórninni til Evrópuþingsins og ráðsins um matvæli fyrir þá sem eru með röskun á kolvetnaefnaskiptum (sykursýki)) frá 1. júlí 2008 (COM(2008) 392 lokagerð).

(6) Reglugerð Evrópuþingsins og ráðsins (ESB) nr. 609/2013 frá 12. júní 2013 um matvæli sem eru ætluð ungbörnum og smábörnum, matvæli sem eru notuð í sérstökum læknisfræðilegum tilgangi og þyngdarstjórnunarfæði í stað alls annars fæðis og um niðurfellingu á tilskipun ráðsins 92/52/EBE, tilskipunum framkvæmdastjórnarinnar 96/8/EB, 1999/21/EB, 2006/125/EB og 2006/141/EB, tilskipun Evrópuþingsins og ráðsins 2009/39/EB og reglugerðum framkvæmdastjórnarinnar (EB) nr. 41/2009 og (EB) nr. 953/2009 (Stjttíð. ESB L 181, 29.6.2013, bls. 35).

- 7) Enn fremur myndi samræmd beiting skilyrða fyrir leyfi fyrir notkun sætuefna tryggja skýrleika og eðlilega starfsemi innri markaðarins.
- 8) Þess vegna ætti að fella brott færslurnar fyrir matvælaaukefni E 950 asesúlfam K, E 951 aspartam, E 952 sýklamínsýru og natríum- og kalsíumsölt hennar, E 954 sakkharín og natríum-, kalíum- og kalsíumsölt þess, E 955 súkralósa, E 959 neóhesperidín DC, E 961 neótam, E 962 aspartam- og asesúlfamsalt og E 969 advantam sem eiga við um notkun í „Einungis fínt kaffibrauð sem er notað í sérstökum, næringarfræðilegum tilgangi“ í matvælaflokki 07.2, fínt kaffibrauð.
- 9) Því ætti að breyta II. viðauka við reglugerð (EB) nr. 1333/2008 til samræmis við það.
- 10) Til að gera rekstraraðilum kleift að aðlagast nýju reglunum þykir rétt að kveða á um umbreytingartímabil þar sem heimilt er að setja fínt kaffibrauð sem er notað í sérstökum, næringarfræðilegum tilgangi, sem inniheldur einhver af þessum sætuefnum, á markað.
- 11) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

*1. gr.*

Ákvæðum II. viðauka við reglugerð (EB) nr. 1333/2008 er breytt í samræmi við viðaukann við þessa reglugerð.

*2. gr.*

Fínt kaffibrauð sem er notað í sérstökum, næringarfræðilegum tilgangi, sem inniheldur E 950 asesúlfam K, E 951 aspartam, E 952 sýklamínsýru og natríum- og kalsíumsölt hennar, E 954 sakkharín og natríum-, kalíum- og kalsíumsölt þess, E 955 súkralósa, E 959 neóhesperidín DC, E 961 neótam, E 962 aspartam- og asesúlfamsalt og/eða E 969 advantam, sem var sett á markað á löglegan hátt fyrir gildistöku þessarar reglugerðar, má áfram setja á markað þar til birgðir eru uppnar.

*3. gr.*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 22. janúar 2018.

*Fyrir hönd framkvæmdastjórnarinnar,*

Jean-Claude JUNCKER

*forseti.*

\_\_\_\_\_

*VIÐAUKI*

Ákvæðum E-hluta II. viðauka við reglugerð (EB) nr. 1333/2008 er breytt sem hér segir:

1. Í matvælaflokki 07.2, „fint kaffibrauð“, falli færslurnar fyrir matvælaaukefnum E 950 asesúlfam K, E 951 aspartam, E 952 sýklamínsýru og natríum- og kalsíumsölt hennar, E 954 sakkarín og natríum-, kalíum- og kalsíumsölt þess, E 955 súkralósa, E 959 neóhesperidín DC, E 961 neótam, E 962 aspartam- og asesúlfamsalt og E 969 advantam, að því er varðar notkun í „einungis fint kaffibrauð sem er notað í sérstökum, næringarfræðilegum tilgangi“, brott.

---